



De la pasiù de Cristo  
a chi che òl sintìl



Parrocchia di Marone



Pro Loco



Comune di Marone



*De la pasiù de  
Cristo a chi che  
öl sintìl*



# **VIA CRUCIS**

# **Venerdì Santo**

# **2006**

Meditazione e preghiere in dialetto bresciano  
ispirate alla Via Crucis

del CARDINALE JOSEPH RATZINGER

a cura della

**COMPAGNIA TEATRALE DIALETTALE "CHÈI DE ÈL"**



© 2006 FdP Editore  
fotografie di Roberto Predali ©



Immersi in un mondo globalizzato e tendente ad uniformare tutto e tutti emerge prepotente dall'animo collettivo delle popolazioni il bisogno di riandare alla proprie radici e di ancorarsi ad esse per evitare che l'individuo perda la propria identità. Identità che è appartenenza ad un territorio e ad una comunità che ha plasmato nel suo divenire storico, fatto di tradizioni consolidate e di vicende umane liete e tristi, il suo carattere.

Delle tradizioni più radicate e che più hanno concorso a formare il "*genius loci*" (ovvero ciò che distingue una popolazione dall'altra e la rende unica), quella religiosa è stata determinante. E sebbene il relativismo imperante l'abbia parzialmente oscurata nei comportamenti dell'individuo essa impregna di sé il profondo dell'animo umano.

Ecco perché, inimmaginabile fino a poco tempo fa, la proposizione di questa via crucis in dialetto che, ben recitata, sarà in grado, meglio dell'italiano, di sollecitare in ciascuno di noi emozioni e sentimenti non passeggeri né superficiali.

Questa iniziativa rappresenta un ulteriore tassello aggiunto alle altre molteplici messe in atto in questi anni dal Comune e dalle nostre Associazioni per risvegliare in tutti noi il senso di appartenenza alla comunità.

Sento perciò il dovere di ringraziare il nostro Parroco Don Fausto per la sensibilità dimostrata per aver accettato l'idea di recitare la via crucis in un modo sicuramente insolito che ci porta però alle radici della nostra religiosità.

Un vivissimo ringraziamento alla Pro Loco e a coloro che con essa hanno collaborato in modo disinteressato per questa realizzazione.

Angelo T. Zanotti  
Sindaco del Comune di Marone





La Passione di nostro Signore è stata fatta oggetto di innumerevoli rappresentazioni artistiche: dalla pittura alla rappresentazione scenica, teatrale e dialettale.

La presente edizione della Via Crucis ha una particolarità: è in lingua dialettale; la lingua, l'idioma del popolo, la parola della quotidianità. Proprio perché la sofferenza è 'pane quotidiano' per gli uomini così, anche la sofferenza di Cristo è occasione di meditazione e riflessione per tutti ogni giorno.

L'esercizio della Via Crucis, non è soltanto una 'devozione' tipica della Quaresima, ma una scuola di vita, che ci sprona a condurre la nostra esistenza, sui passi di Cristo Gesù che per amor nostro ha patito, è morto ed è risorto.

Ripercorriamo spiritualmente la strada del Calvario nella consapevolezza che Gesù ha sofferto per noi per liberaci dal peccato e ridonarci l'amicizia di Dio Padre.

La strada della Croce di Cristo divenga per tutti strada di liberazione, redenzione e amore.

Faccio mio l'augurio lasciato da Giovanni Paolo II in occasione della XVI giornata mondiale della gioventù: *«Se qualcuno vuol venire dietro a me- dice Gesù -, rinneghi se stesso, prenda la sua croce e mi segua»*. Oggi ancora questa parola suona scandalo e follia. Eppure è con essa che ci si deve confrontare, perché la via tracciata da Dio per il suo Figlio è la stessa che deve percorrere il discepolo. Non ci sono due strade, ma una soltanto: quella percorsa dal Maestro. Al discepolo non è consentito di inventarne un'altra.

*Come la croce può ridursi ad oggetto ornamentale, così "portare la croce" può diventare un modo di dire. Nell'insegnamento di Gesù quest'espressione non si riferisce al dovere di sopportare con pazienza le piccole o grandi tribolazioni quotidiane; né, ancor meno, intende essere un'esaltazione del dolore come mezzo per piacere a Dio. Il cristiano non ricerca la sofferenza per se stessa, ma l'amore. E la croce accolta diviene il segno dell'amore e del dono totale. Portarla dietro a Cristo vuol dire unirsi a Lui nell'offrire l'amore.*

don Fausto

## PREGHIERA INIZIALE

Nel nome del Padre e del Figlio e dello Spirito Santo.

Amen.

### PREGHIAMO

Signur, Gesù Cristo, per nóter ta ghét acetàt de éser el grà de formét che a burlà-zó en tèra el mör per dà tant fröt. Ta ma ‘nvidet a curit dré, quando ta dìzet:


“Chi gà öl bé a la sò vita el gà de perdila e chi gà öl mia bé a la sò vita en ‘stó mónt el la conservarà nè la vita eterna”.

Nóter, però, en s’è tacacc a la nòstra vita; en völ mia bandunàla, en völ tignila tóta per nóter. En völ vighela, mia ufrila. Té ta ma stét deànti e ta ma fèt éder che ‘n pöl salvàla sul se ‘n sarà bù de dunàla. A compagnat sò la tò Via crucis, ta ölarèset trasfurmam en tacc grà de formét, per rià fina a l’eternità. La crus – l’ofèrta de nóter stes – la ma pésa tant adòs. Ma té, sò la tò Via crucis, ta ghét portàt pò a’ la mé crus, ma mia tat per fà argóta, ma perchè el tò amur el compàgna tóta la mé esistènsa. Ta la pórtet encö con mé e per mé e ta ölet che pò a’ mé, adès, come alùra Simone de Ciréne, pórtes con té la tò crus e, isé, ma sa mètes a servisio de la redensiù del mónt.

Àidem perchè la mé Via crucis la sàpes mia apéna en momènt de deusiù. Àidem perchè en pödes compagnàt mia apéna còl pensér, ma còl cör, ansé, pas per pas töcc i dé dela nòstra vita. Àidem perchè ‘na ólta embocàda la strada dela crus, en rèstes sèmp(er) ensèma a té. Pórtem vià la póra dela crus, la póra che i ma rides dré, la póra de pèrder la vita se en s’è mia pronti a ciapà töt chèl che la pöl dà. Dam la fòrsa de mia curiga dré a le tentasiù che promèt vita quando, a la fi, lé ma làsa con le mà öde e còl cör pié de scontentèsa. Àidem a dunà la vita, àidem, sòla strada del grà de formét, a troà la strada del bé, del vüli bé, la strada che ma dà la vita, abondànsa de vita.

Amen.





## PRIMA STAZIONE

### GESÙ È CONDANNATO A MORTE

Adoramus te, Christe, et benedicimus tibi.

Quia per sanctam crucem tuam redemisti mundum.

#### Dal Vangelo secondo Matteo (27, 22-23.26)

El ga dis Pilato

Chè gó de fan, alùra, de Gesù, ciamàt el Cristo?

I ga rispónt

Mètel en crus! (bis)

Lü 'l va aànti

Chè gal fat de mal?

I sa mèt dré a usà

Mètel en crus! (bis)

Alùra el ga lasàt nà Baràba e dòpo ìga fat ciapà a bacàde Gesù, el gà la dat en mà ai soldacc per mitil en crus.

#### MEDITAZIONE

El Giudice del mónt, che en dé el vegnarà a giudicam töcc, l'è lé, sènsa fôrse, sènsa unùr deànti ai sò giustisiér. Pilato l'è mia el móstro che gà sudisfasiù a fà del mal. El sà che 'l Póer bàla l'è inocènte; el sérca de tót per lasal nà. Ma 'l sà piö che fà. A la fi el ga dà scult apéna a la sò conveniensa, a sè stes. Pò a' chei che ùza de mitil en crus j-è mia contécc a fà del mal. Tancc de lùr, el dé de Pentecoste, i sa sentarà a s-ciopà el cör quando Piero el disarà

Gesù de Nàzaret – mandàt de Dio en mèss a óter – l'if enciodat söla crus

Ma 'n chel momènt là, i ga cör dré ai piö tancc e alùra i vùza-sö cóme j-óter. E isé, en pó per vigliacheria en pó per póra de düzi scontras, i mèt la giustisia sóta i pè. El vuzà dela zènt, el smórta la us liséra dela cosiensà. La mancànsa de idèe ciàre la ga dà amò piö tanta fòrsa al mal.

#### PREGHIAMO

Signur, ta sèt stat condanàt a la mórt perchè la póra de ìga adòs j-öcc di óter, la ga smorsàt la ùs dela cosiensà. La stòria la 'nsègna che l'è sèmpar stat isé: inocènti maltratàcc, condanàcc, copàcc. Quate ólte, pò a' nóter, en ga preferit èl sucèsò a la verità, en ga lotat per la nòstra reputasiù senza tègner cönt dela giustisia.



Dàga fòrsa a la ùs dela cosiènsa, che l'è la tò ùs. Àrdem, come ta ghét ardàt Piero dòpo che el t'éra rinegàt. Fa rià la tò òciàda nele nòstre anime per segnam la strada giòsta. A chei che el venerdé sant i gà uzàt-sò de mitit en crus, a la Pentecoste ta ghét regalat la conversiù. E isé ta ghét dat sperànsa a töcc nòter. Pòrtem la gràsia dela conversiù.

Amen.




Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Stabat Mater dolorosa,

iuxta crucem lacrimosa, dum pendebat Filius.







## SECONDA STAZIONE

### GESÙ È CARICATO DELLA CROCE

Adoramus te, Christe, et benedicimus tibi.

Quia per sanctam crucem tuam redemisti mundum.

#### Dal Vangelo secondo Matteo (27, 27-31)

Alùra i soldacc i ga portat Gesù en tribünal; i l'è caàt-fò e i ga mitit endòs en mantel rós. I ga 'ntresàt 'na curùna de spì e i ga l'è mitida söl cò. I ga dat nèla mà dèstra 'na càna, i ga sà 'nzenöciàa deànti e i la tiràa en giro

Salve, re dei Giudei!

I ga spüdàa adòs e cón la càna i la ciapàa a bacàde. Dòpo il ümiliàt, ufindit e ìga portàt vià 'l mantel, i ga mitit adòs i sò visticc e i l'è portàt vià, per copal.

#### MEDITAZIONE

Gesù, condanàt perchè i la ciamàa re, l'è tirat en giro e pròpe 'n chèsto vé fò la verità. Quàte ólte i sègn de chei che comandà j-ofènt la verità, la giustisia, la dignità de l'òm. Quàte ólte el sò fà e 'l sò di, j-è sul dele gran bàle, 'na caricadüra de chel che envèce i gares de fà e de di per mitis a servìsio del bé de töcc. Gesù, che vé tirat en giro e che 'l porta la curùna dela soferènsa, l'è pròpe per chèsto el véro re. Lù 'l gà en mà la giustisia, che l'è soferènsa en chèsto mont: lù 'l comandà mia con la violènsa, ma con l'amur; el patés per nòter e con nòter. Lù el porta la crus, la nòstra crus, el péso de töt el mónt. L'è isé che lù l'è deànti de nòter e che 'l ma 'nsègna come fà a troà la strada per la véra vita.

#### PREGHIAMO

Signur, ta ghét permitit che i ta ridies dré. Àidem a troà la fòrsa de mia rider dei déboi, de chei che patés. Fà che 'n tróes la tò fàcia 'n chei che gà la pègio, en chei che vé mitit en bànda. Fà che 'n sa pèrdes mia d'animo quando ghe chei che rit de l'obediènsa ala tò volontà. Ta ghét töt-sö la crus e ta mét dit de ègner con té, söla strada giösta. Àidem a acetà la crus, a mia scapàga, a mia lamentàs de töt e de töcc e a mia stracàs dele fadighe dela vita. Mètem söla strada de l'amur perchè isé en pòdes éser contécc fina en fònt.

Amen.




Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et

nos dimittimus debitoribus nostris; et ne nos inducas in tentationem; sed libera nos a malo.

Cuius animam gementem,  
contristatam et dolentem, pertransivit gladius.







## TERZA STAZIONE

### GESÙ CADE PER LA PRIMA VOLTA

Adoramus te, Christe, et benedicimus tibi.

Quia per sanctam crucem tuam redemisti mundum.

#### **Dal libro del profeta Isaia (53, 4-6)**

El s'è cargat söle spale töte le nòstre soferènse, töcc i nòst dulùr e nóter en dizia che l'éra castigat, segnàt da Dio e ümiliàt. I nòs-cc erür i l'à pasat da banda a banda, l'è stat schisàt dale nòstre malvagità. El castich, che per nóter l'è salvès, el ghe riat adòs en piéno; lé sò piaghe le m'à guarit. Nóter en ghéra perdit la strada, töcc en nàa per la nòstra strada; el Signur el s'è tirat adòs töcc i nòs-cc erür.

#### **MEDITAZIONE**

L'òm l'è burlat-zó e 'l cüntinua a burlà-zó: quate ólte el deènta la caricadüra de sé stes, mia piö a imàgine de Dio, ma argóta che mèten in ridicol el Creatur. Chel che vignia zó de Gerusalème per nà a Gerico e che l'è burlat nële mà dei brigancc che i gà portat via töt e i l'à lasàt lé, mes mórt, en de 'na pósa de sanch, sö l'òrlo del stredù, él mia la fotografia de l'òm? Gesù che 'l va a finì sóta la crus l'è mia apéna l'òm sfinìt che burla-zó dòpo töte lé pète che i ga dat. El pirlo sóta el péso dela crus el fà capì töta la stória: el s'è sbasat-zó per tiram sö nóter, per tiram fò dai pastés; nel stes tép sa capés la natüra dela nòstra bòria. La nòstra bòria la càmbia de consistènsa: en vól piö éser schiavi de Dio, ma liber; en cret de mia ìga bisogn de l'amur eterno, en vól éser nóter a disegnà la nòstra vita.

En cret de éser dio e isé en sa ribèla a la verità; en vól véser i nòs-cc creatür e i nòs-cc giudici. Gesù el sa sbàsa-zó a la nòstra altèsa e 'l ma dà 'na mà a tiras-sö. Lasóna fà, mocómela-lé de créder che 'n gàbes bizògn de nient e de nüsü. Emparóm da Lü che 'l s'è sbasàt-zó; ardóm de capì quat che 'n s'è grance e quat che 'n pöl fà per i nòs-cc fredèi che gà bizògn.

#### **PREGHIAMO**

Signur, el péso dela crus el t'à fat burlà-zó. El péso del nòst peccat e dela nòsta bòria el ta fà burlà-zó. Ta bürlet-zó, ma chèsto l'è mia en bröt sègn, l'è mia apéna la póra e la debolessa de giü sènsa forse. Ta sèt vignit encùtra a nóter, slongacc-zó en tèra per lé nòstre cùlpe. En crèt de éser bù de fa sö l'òm e isé en s'è deentacc mercansia compràda e indida per fa esperimènc sö la nòstra pèl ... credèndo de deentà eterni, senza piö düzi mörer. Envèce non fà óter che enfangà sèmper de piö la dignità de l'òm. Signur, àidem, perchè 'n s'è burlacc-zó. Àidem a perder la nòsta bòria, dam en pó dela tò umiltà e isé 'n pödarà tumà a leà 'n pé.

Amen.

Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

O quam tristis et afflicta,  
fuit illa benedicta, Mater Unigeniti!







## QUARTA STAZIONE GESÙ INCONTRA SUA MADRE

Adoramus te, Christe, et benedicimus tibi.

Quia per sanctam crucem tuam redemisti mundum.

**Dal vangelo secondo Luca** (2, 34-35.51)

Simeone el gà parlat a Maria, sò Mama

Lü l'è ché per la ruina e la resuresiù de tancc en Israele, segn de contradisiù perchè tancc cör i pödes dervis. A té 'na spada la ta paserà l'anima.

Maria la tignia töte sté ròbe nel sò cör.

### MEDITAZIONE

Söla Via crucis de Gesù ghe pò a' Maria, sò Mama. Entat che Lü el nàa déter e fò dal tempio, lé la stàa scundida per dàga spasio a la famia nöa de Gesù, chela dei disépoi. El gà anche dit:

Chi éla la mé Mama e chi éi i mé fredèi? Chel che ga dà scült a mé Bubà che l'è nel ciel, l'è mé fredel, sorèla e Mama.

Ades sa èt che lé, l'è sò Mama. I ghéra dit:

Ta concepirét en fiöl ... el sarà grant ... Dio, el Signur el ga darà el trono de Davide, sò Bubà.

Sübit dopo, Simeone, el vècio, el ghéra dit:

'Na spada la ta paserà l'anima.

Le parole dei profeti le ga sarà sunade nel có:

Maltratad, el ga lasat fà senza derver bóca; l'éra come en piri portat al macel.

Töt chèsto, ades, l'e deentà realtà. L'àngel el ghéra dit:

Ta ghét mìa de ìga pora, Maria.

I disépoi j-è scapacc, lé nò. Lé la sta lé, curagiùsa e fedéle come 'na Mama, bùna come 'na Mama, piéna de chèla fède che la resiste a töt. Beàta lé che la ga cridit. "El Fiöl de l'òm, quando el vegnarà, troarà la fède söla tèra?". Ades el la sà: l'è chèsta la sò cunsulasiù.

### PREGHIAMO

Santa Maria, Mama del Signur, ta set restàda fedele quando i disépoi j-è scapacc. Ta ghét cridit a l'Àngel che 'l t'à 'mprumitit dele ròbe incredibii ... che ta saret deentàda la Mama del Signur ... e ta ga credet amò nel moment dela sò piö granda umiliasiù. L'è isé che 'nde l'ùra dela crus, 'nde l'ùra de la nòt piö scüra del mónt, ta sét deentàda la Mama de töcc chei che cret, Mama de töta la ciésa. Ensègnem anche a nóter a creder e àidem a

fa deentà la fede en segn de amur che àida a sparter la soferènsa.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Quae maerebat et dolebat,  
pia Mater, dum videbat, nati poenas incliti.





## QUINTA STAZIONE

### GESÙ È AIUTATO DAL CIRENEO A PORTARE LA CROCE

Adoramus te, Christe, et benedicimus tibi.

Quia per sanctam crucem tuam redemisti mundum.

#### Dal vangelo secondo Matteo

(27, 32; 16, 24)

Dré a la strada, i gà encontrat Simone de Cirene e i l'ha ubligat a tō-sō la crus de Gesù. Gesù el gà dit ai disépoi:

Se argü i vōl vignim dré, el rinéghe sè stes, el tōes-sō la sò crus e 'l ma vègnes dré.

#### MEDITAZIONE

Simone di Cirene, contadi grant e gròs, el va a cà dopo 'l laorà; l'è sōla strada quando el s'embàt nela brōta sfilàda dei condanacc – forse, l'era anche abituat a chèsto. I soldacc, con tanta prepotènsa, i ga met adòs la crus. El sarà mia stat tat contét a éser stat tirat en mès, ma 'l fà chel che i ga dis de fà. Marco, nel sò vangelo, el dis che i s-cecc de Simone j-éra cunusicc come cristià, lù nò. Senza üilil, el s'è encontrat con la fède. A caminà con Gesù e a dàga 'na mà a portà la crus el ga capit che l'era 'na grasia püdi aidà 'stó condanat e asistil.

El mistéro del silensio e dela soferensa de Gesù i ghe riacc en font al cör. L'amur de Dio, che l'è l'ünich a püdi salvà tōta la zènt, el vōl che anche nòter en ga daghes 'na mà a portà la sò crus. Ogni ólta che 'n dà 'na mà a giü che sòfre, che l'è mia bù de difindis, en pórtà la sò crus per en pit de strada. L'è isé che en pöl salvas e che en pöl contribuì a salvà el mont.

#### PREGHIAMO

Signur, a Simone de Cirene ta ghét dervit j-öcc e 'l cör quando el t'ha aidat a portà la crus e ta ghét dat la gràsia dela fède. Aidem a assister el nòst pròsim che sòfre, pò a' quando en garès de 'na cùtra i nos-cc progècc e le nòstre simpatie. Fam capì che l'è 'na gràsia portà la crus de j-óter e isé pròà a compagnat sōla tò strada. Fam capì che l'è pròpe a pròà la tò stesa soferènsa e lé soferènsa del mónt che 'n deènta servidur dela salvèsa e che isé en fabrica el tò còrp, la Cièsa.

Amen.



Pater noster, qui es in caelis:



sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Qui est homo qui non fleret,

Matrem Christi si videret, in tanto supplicio?





## SESTA STAZIONE

### LA VERONICA ASCIUGA IL VOLTO DI GESÙ

Adoramus te, Christe, et benedicimus tibi.

Qui per sanctam crucem tuam redemisti mundum.

#### Dal libro del profeta Isaia (53, 2-3)

L'è mia bel de ardà, el brila gnach. Dispresat e bôtat en de 'n cantù, òm dei mile dulùr, che l'è bù de patì sensa dal al éder e té ta óltet vià 'l có per mia idil: ma 'l té gnà 'n cunsiderasiù.

#### MEDITAZIONE

Mé òi vidit, Signur. Scóndet mia.

Verònica la gà de ìga pensat isé anche se per prim, söla Via crucis, la gà fat apéna el gesto de dàga en sugamà per sügas-zó la fàcia. La scùlta mia la catéria dei soldacc o la póra dei disépoi. L'è pròpe 'na buna fómna che la manté el sò coragio e la permet a nüsü de scuntradila.

Beati chei che gà 'l cör bù, i vedarà Dio.

Ma chel gesto lé el ga fisat nel sò cör l'immagine de Gesù: 'na fàcia de òm, piéna de sanch e de feride; lé la èt la fàcia de Dio e dela sò bontà che la ma bandùna mai. L'è apena cól cör che 'n ga rìa a éder Gesù. Apéna l'amur el ma derf j-öcc e 'l ma fà deentà bù, el ma fà distinguer, en mes a tancc, Dio, che l'è l'amur stes.

#### PREGHIAMO

Signur, fam mörer dela òja de idit. Dam la tò protesü cùtra el scür che 'l ma fà éder apéna ómbre. Dam la tò luce che la ma faghes éder che té ta sét en mes a nóter. Quando en gà rìa mia, dam el coràgio de 'na bontà, püra e semplice. Fisa nei nòs-cc cör la tò fàcia perchè en pödes ricunusit e fat conóser a töt el mónt.

Amen.




Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Quis non posset contristari,  
piam Matrem contemplari, dolentem cum Filio?







## SETTIMA STAZIONE

### GESÙ CADE PER LA SECONDA VOLTA

Adoramus te, Christe, et benedicimus tibi.

Quia per sanctam crucem tuam redemisti mundum.

#### Dal libro delle Lamentazioni

(3, 1-2.9.16)

Só mé l'òm che ga patit sota lé bacade dela sò ràbia. Èl m'à guidat, èl m'à fat caminà al scür, mia nela lùce. En mèa ala strada el ga mitit en sach de préde per fam ensapelà. Só burlat-zó e ma só rumpit i décc, el m'à destindit en mèa ala pulver.

#### MEDITAZIONE

Gesù che 'l bùrla-zó e 'l péso dela crus, i fa ègner en ment l'erùr de Adamo – nóter òm che sbàglia – e pò a' 'l mistéro de Gesù che 'l partècipa ai nòs-cc erùr. Nela stòria, j-erùr del'òm i càmbia sèmper furma. Nela prima lètra, san Giovanni el pàrta de tré tipi de erùr: la grant òja dela carne, de ìga argü; la grant òja de ìga argót; la sùpèrbia dela vita. J-éra i vèse del sò tép e isé lü 'l pénsa a l'òm, a tòcc j-òm che bùrla-zó.

Ma 'n pöl pensà, nela stòria piö vizina a nóter, a 'na cristianità che la s'è stöfàda dela féde e che la gà bandunàt el Signur: l'òm el crèt piö a niènt e 'l sa làsa apéna nà, el cór dré ale dutrìne nöe dei nòs-cc dé che lé ga fabricat 'na religiù che la böta Dio nel spórch, ma che isé la böta nel spórch pò a' l'òm. L'òm l'è slongat-zó nela pulver. El Signur, a portà chesto peso, el bùrla-zó la seconda ólta per püdi rià a nóter; el vàlsa-sö el có, el ma àrda per rià a desedà 'l nòst cör; el bùrla-zó per tiram en pé nóter.

#### PREGHIAMO

Signur, Gesù Cristo, ta ghét portàt en grant peso per nóter e ta cüntinuet a portàl. L'è 'l nòst peso a fat bùrla-zó. Ta ghét de éser té, però, a tiram en pé, perchè da sù en ga ria mia a tiras-fò dala pulver. Liberem da töte le nòstre òje. Trasfùrma el nòst cör de préda en d'en cör bù de éder.

Cancèla lé false dutrìne e fà che j-òm i pödes nincursis dele stüpidàde che lé prédica. Làsa mià crèser el mür del materialismo e fà che nóter en ga rìes a scaalcàl. Dam la fòrsa de resister ala potènsa del mal e àidem a éder i bizògn de j-óter e a dàga 'na mà. Dam en pó de lùce en mèa a töt chèsto scür perchè en pödes deentà portadür de sperànsa per tòcc.

Amen.




Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in

terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Pro peccatis suae gentis,  
vidit Iesum in tormentis, et flagellis subditum.







# OTTAVA STAZIONE

## GESÙ INCONTRA LE DONNE DI GERUSALEMME CHE PIANGONO SU DI LUI

Adoramus te, Christe, et benedicimus tibi.

Quia per sanctam crucem tuam redemisti mundum.

### Dal Vangelo secondo Luca (23, 28-31)

Gesù el sa ólta a ardà le fómne e ‘l dis:

Fómne de Gerusalème, pianzi mia per mé, ma pianzi piötòst per ótre e per i vòs-cc fiöi. Egnarà ‘n dé quando ‘n disarà: Beate chèle che pöl mia ìga fiöi e i séni che pöl mia alata. Alùra i cuminciarà a diga ai mücc: ignì-zó sò de nóter! Se i tràta isé el legn vért, che ga capitarà al legn sèch?

### MEDITAZIONE

Sa gà de riflèter a scultà Gesù che ga ùsa dré a le fómne de Gerusalème che lé gà còr dré e che lé pians per lü. Góm de capila come? Ga ùsel dré a ‘na semplice pietà che la pöl mia deentà ‘na cunversiù e ‘na fède viva fina en fònt? Serv a nient fa éder che sa ga cumpasiù per le misérie del mónt quando ‘n va aànti a viver come prima. El Signur el ma mèten guardia. El ma fà éder che ‘l pecat l’è grave e che ‘l giödése l’è propursiunàt al pecat. Nóter en ga pènsa mia asé al mistéro del mal.

De l’image de Dio e de Gesù ‘n vet apéna la part bùna, ma ‘n sa ricórda mia che lü el gà de giüdicam. Come faral Dio a fà ‘l dràma dela nòstra debolesà? ... pensónga ... En s’è apéna òm. A ardà el Fiöl de Dio che sòfre, en gà de éder la gravità del pecat, en gà de capì che bizògna pagàl, el pecat, per püdi cancelàl. En pöl mia desmentegàs el mal deànti a l’image del Signur che sòfre. El ma dis:

Pianzi mia per mé, pianzi per óter stes.

### PREGHIAMO

Signur, ale fómne che pians ta ghét parlat de penitènsa, del dé del Giödése, quando ‘n sarà deànti a té e ‘n vedarà ‘n fàcia ‘l Giudice del mónt. Ta ma dizet de dàga la giösta importànsa al mal, de mia fa finta de nient e de cambià la nòstra vita. Ta ma fèt capì quàla l’è la nòstra responsabilità, el pericòl che ‘l Giudice el ma tróes pié de cülpe e con lé mà öde. En gà mia de contentàs de caminà en bànda a té, cón j-öcc pié de lacrime de cumpasiù. Dam ‘na vita nòa; permèt mia che, a la fi, en sa ritróes come en legn sech, ma che ‘n deèntes come madér de ìt che vif tacacc a té, la véra ìt, e che ‘n pödes fà fröcc per la vita etèrna.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Tui Nati vulnerati,

tam dignati pro me pati, paenas mecum divide.





## NONA STAZIONE

### GESÙ CADE PER LA TERZA VOLTA

Adoramus te, Christe, et benedicimus tibi.

Quia per sanctam crucem tuam redemisti mundum.

#### Dal libro delle Lamentazioni

(3, 27-32)

El sarès mèi che l'òm el cuminces a portà 'l zùf fin da quando l'è s-cèt. El stàghe sentàt-zò de per sò cönt e 'l fàghes sito, perchè el gà l'à dît lü. El sa empienés la bóca de pulver, forse ghe amò sperànsa; el sàpes prònto a dà l'ótra sguànsa a chi òl picàl, el ga de éser prònto ale ümiliasiù. El Signur el sa refüda mai ... ma se 'l dà péne, el garà anche pietà secónt la sò misericórdia, che l'è granda.

#### MEDITAZIONE

Pödel dim chè 'l fatto che Gesù, per la tèrsa ólta, el burla-zó sóta el péso dela crus? Forse 'l ma fà pensà a l'òm, en general, che l'è portat a burlà-zó, a tancch che sa slontàna da Dio, al sbandamènt vèrs 'na vita senza Dio. Góm mia de pensà anche a quat che 'l gà de sufri Cristo nela sò Ciésa? A quàte ólte sa dòpra mal el sacramento dela sò presènsa; al vòt e ala catièria che ghe nel cör endó l'è riat! Quate ólte en sa lòda sènsa rindis cönt de Lü! Quate ólte la sò Paròla la é ströpiàda e dopràda mal! Quàta póca fede ghe en tante dutrine, quate paròle öde! Quat sporchès che ghe nela sò Ciésa e anche tra chei che dis de éser dei sò. Quàta süpèrbia! En rispèta tröp póch el sacramento dela riconciliasiù, endóe Lü el ma spèta per aidam a tiras en pé! Töt chèsto l'è presènte nela sò pasiù. El tradimét dei disèpoi, riséer, senza ìga mèrit, el sò Corp e 'l sò Sanch, l'è giü dei piö grancc dulùr per el Redentùr, chel che ga spàca el cör. Ma rèsta apéna de uzà-sò forte, dal profónt de l'ànima:

Kyrie, elèison – Signur, sàlvem.

#### PREGHIAMO

Signur, de spès la tò Ciésa la sömea 'na bàrca che fa aqua da töcc i büs, che la và a fònt da 'n momènt con l'óter. Nel tò prat en vèt piö tànta zizània che formét. Ma fa póra el spórch che ghe söl vistit e sò la fàcia dela tò Ciésa. Ma 'n s'è nóter a sporcai! En s'è nóter a tradit döpo töte le nòstre bèle parole.

Sérca de ìga pietà dela tò Ciésa e de töcc chei che ghe déter, Adamo l'è burlàt-zò amò. Nóter en s'è burlàcc-zó en t'à tirat-zó pò a' té e Sàtana l'è là che 'l rit e che 'l spéra che ta mànces le forse de leà-sò; isé ta restarèset lé, nela pulver, per sèmpèr. Té, envéce, ta learét-sò. Ta sét risüscitàt e ta tirarét en pé pò a' nóter. Sàlva e fà sànta la tò Ciésa, töcc nóter.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Eia, Mater, fons amoris,

me sentire vim doloris, fac, ut tecum lugeam.







## DECIMA STAZIONE

### GESÙ È SPOGLIATO DELLE VESTI

Adoramus te, Christe, et benedicimus tibi.  
Quia per sanctam crucem tuam redemisti mundum.

#### Dal vangelo secondo Matteo

(27, 33-36)

Riàcc söl Gòlgota, che ‘l vòl di “löch dela cràpa”, i ga dat de béer vè mes-ciàt a fèl; ma lü, dopo il tastat, el n’à mia ülit. Dopo, i l’à mitit en crus e i s’è sparticc i sò visticc e per fa chèsto i ga tirat-sö le böschète. Pò i s’è sentacc-zò e i ga fàa la guardia.

#### MEDITAZIONE

Gesù l’è stat caàt-fò nüt. El vistit l’è, per l’òm, el sègn dela sò cundisiù, del pòsto che ‘l ga nela società, che la fà éser argü. A éser nüt, Gesù l’è piö nüsü, l’è giü mitit en d’en cantù, dispresàt da töcc. El momènt che i ga portàt via i visticc el fa ègner en mènt anche quando Adamo e Eva j-è stacc casàcc fò dal paradìs: a l’òm ghe mancat el splendur de Dio; l’òm, ades che l’è nüt, el ga ergògna. Gesù, isé, l’è, amò ‘na òlta, precis a l’òm che bürta-zó. Gesù nüt, el fa ègner en mènt l’òm che ga perdit el prim vistit, cioè ‘l splendur de Dio. I soldacc i tira-sö le böschète per portàs a cà i sò visticc.

J-evangelisti i la cònta-sö con lé stèse paròle che Gesù el digarà ai disèpoi de Èmaus: töt l’è capitat perche l’éra scriit nële scritüre. Ma ghe n’è mia de coincidènze, càpita töt perchè l’è scriit nela Paròla de Dio e sustignit dal sò disegn. El Signur el pröa la perdisiù de l’òm; ma ogni pas nela perdisiù, l’è en pas de redensiù: l’è pròpe isé che Lü el porta a cà la pégora che s’éra perdit. Giovanni el ga dit che i soldacc i vùlia portà a cà la sò tònega, tóta entréga, da ‘n sima a ‘n fònt. L’è cóme la tònega del capo dei ministri: fabricàda con d’en fil sul, sènsa cuzidüre.

#### PREGHIAMO

Signur, Gesù, i t’à caàt fò i visticc, i t’à disunuràt, bötat en d’en cantù. Ta ghét töt-sö ‘l disunür de Adamo, e isé, ta l’èt risanat. Ta ghét töt-sö le soferènze e i bizògn dei poarècc, de chei casàcc fò dal mónt. L’è isé che ta realizet la paròla dei profèti; che ta dét sènso anche ‘ndóe el ghe mia. L’è isé che ta ma fèt capì che tò Bubà el gà ‘n mà té, nòter e töt el mónt. Dam en rispèt profònt per töcc j-òm fin dal prim momènt che j-è sò stà tèra, tôte lé òlte che ma j-encóntra. Dam el vistit fat con la luce dela tò gràsia.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in

terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Fac ut ardeat cor meum,

in amando Christum Deum, ut sibi complaceam.





## UNDICESIMA STAZIONE GESÙ È INCHIODATO SULLA CROCE

Adoramus te, Christe, et benedicimus tibi.

Quia per sanctam crucem tuam redemisti mundum.

### Dal Vangelo secondo Matteo (27, 37-42)

Sùra ‘l có i ga scriit “Chèsto l’è Gesù, el re dei Giudei”. Ensèma a lù ghe stat mitit en crus du ladrù, giü a dèstra e giü a sinistra. Chei che pasàa de là i sgurlia el có e i dizia:

Té, che ta sét bù de bötà-zó la cà dele divinità e de fàla-sò tùrna ‘n tré dé, sàlvet, ades! Se ta sét el Fiöl de Dio, vé-zó dela crus!

Pò a’ i capi dela religiù e chei bù de scrier, ensèma ai vèci, i la tiràa ‘n gir:

El ga salvat j-óter; el vègne-zó dela crus e nóter en ga cederà.

### MEDITAZIONE

I la ‘nciodàt söla crus. La sindone de Türi la permèt de ìga ‘n idea incredibil dela crudeltà che i ga mitit, de chel che i ga fat. Gesù el bэф mia la beànda che i ga ufrit per endormental vià: sènsa ìga perdit conosènsa, el s’è tirat adòs töt el dulùr de éser stat mitit en crus. L’è töt ferit. Fermónsa deànti a töt chesto dulùr, deànti al Fiöl de Dio soferènte. Ardómel nei momènc delà presunsiù e del góder, per emparà a respetà i cunfi del giöst e éder la superficialità dele ròbe materiài. Ardómel nei momènc delà disgràsia e dela poertà per capì che isé en s’è piö vizì a Dio.

Sercóm de cunusil en töcc chei che ‘n völares mia éder. Deànti al Signur condanat, che ‘l ga mia dopràt la sò potènsa per saltà-zó dala crus e che el ga soportàt la sò soferènsa fina ala fi, vé ‘n ment amò ‘n penser. Ignazio di Antiochia, ligat con le cadéne per la sò fède, el ga dit brài ai cristià de Smirne che j-éra enciodàcc, con la carne e col sanch, ala crus del Signur Gesù Cristo. Lasónsa enciodà a Lü, senza céder ala tentasiù de destacàs da Lü e senza céder ale bèfe che lé ölarès fàmel fà.

### PREGHIAMO

Signur Gesù Cristo, ta sét fat enciodà ala crus e ta ghét acetàt la crudeltà de töt stó dulùr, dele bacade e dele feride ala tò dignità. Ta ghét sufrit senza scapà e senza mèze müsüre. Àidem a mia scapà deànti ala nòstra strada. Lìghem a té. Àidem a tiràga-zó la maschera ala falsa libertà che la öl slontanàm da té. Àidem a acetà la tò libertà “ligàda” e a troà, ligàcc a té, la véra libertà.

Amen.




Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Santa Mater, istud agas,,

Crucifixi fige plagas, cordi meo valide.





## DODICESIMA STAZIONE GESÙ MUORE SULLA CROCE

Adoramus te, Christe, et benedicimus tibi.

Quia per sanctam crucem tuam redemisti mundum.

### Dal Vangelo secondo Matteo (27, 45-50.54)

Da mesdé fina ale trè s'è fat en gran scür. Ale trè, Gesù el ga usàt sö con tóta la sò ùs:  
Eli, Eli, lemà sabactàni?

che 'l vöi di:

Dio mio, Dio mio, perchè m'èt bandunàt?

A sènter chèste paròle, argü i gà dit:

Lüche el ciàma Elia!

Giü el ga ciapàt 'na spugna, el l'ha ensopàda de zét, el l'ha enfilsàda sö 'na càna e 'l ga dat de béer. J-óter i dizia:

Sta fèrmo, ardóm se vé Elia a salvàl.

Gesù el ga dat fò 'n ótra ùs e l'è spirat. (*in ginocchio*) El capo dei soldacc e töcc i soldacc, sintit el teremòt e ést chel che sücidia, i ga dit:

L'era el Fiöl de Dio!

e i ga it 'na gran póra.

### MEDITAZIONE

Söla crus ghéra scriit “Re dei Giudei”, el Fiöl che Davide el ghéra prumittit. Pilato, sbagliando a fà 'l giudice, l'è deentat lü stes en profëta: adès, deànti a tòt el mónt, Gesù l'era el re del mónt, lü che 'l ghéra mia ülit éser el Mesia. Col piö grant gèsto d'amur, el ghéra ufrit sè stes e isé lü l'è la piö granda manifestasiù del vero Dio, de chel Dio che l'è amur. Ades en sà chi l'è Dio, come el ga de éser el piö grant re. Gesù el ga fat sò la soferènsa de tóta l'umanità, el drama che sa vif a mia conóser Dio e alùra el fà éder Dio pròpe là 'ndóe sa gares mai pensat de idil, perchè copat en crus. Söl mónt sa fà scür, quando 'l Fiöl de Dio el mör. La tèra la trèma. Vizi ala crus cumincia la Ciésa. El capo dei soldacc el l'ha cunusit, el ga capit che l'è el Fiöl de Dio. Dala crus lü el trionfa, per semper.

### PREGHIAMO

Signur Gesù Cristo, nel momènt dela tò mórt el sul l'è deentàt scür. E té ta sét semper là, enciodat söla crus. Nóter en s'è costrecc, en chei momènc lè, a viver senza Dio. Per le tò soferènsa e per la catièra de j-òm, la Fàcia de Dio l'è al scür, sa ga rìa mia a

ricunusil. Ta sèt nat sōla crus a fat riconóser. Pròpe perchè ta sòfret e ta òlet en gran bé a töcc, ta sèt santificat. L'è stat el tò triónfo. Àidem a riconoser la tò fàcia; a cridit e a ègner con té, pròpe quando en s'è cunfüs e 'n gà bizògn. Fat éder de töcc, ades. Fà che sa pòdes éder la tò salvèsa.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Vidit suum dulcem Natum,  
morientem desolatum, dum emisit spiritum.







## TREDICESIMA STAZIONE

### GESÙ È DEPOSTO DALLA CROCE E CONSEGNATO ALLA MADRE

Adoramus te, Christe, et benedicimus tibi.

Quia per sanctam crucem tuam redemisti mundum.

#### Dal Vangelo secondo Matteo (27, 54-55)

I soldacc che ga fàa de guàrdia, con en tèsta el capo, sintit el teremòt e ést chel che ghéra dré a sucéder, i ga ciapàt ‘na gran póra e i dizia:

Chèst-ché l’éra pròpe el Fiöl de Dio.

En d’en cantù ghéra anche tante fómne che nàa dré a Gesù per servì e che j-éra ‘gnide dala Galilea.

#### MEDITAZIONE

Gesù l’è mórt; dal sò cör, sbüzat dala lancia del soldat, vé föra sanch e aqua; sanch e aqua che j-è imàgine del fiöm de sacramenti, del Batès e dela Cumuniù, che dà försa a la Cièsa per rinaser, pròpe per el cör crepàt del Signur. I ga spàca mia lé gambe come ai dū ladrù; l’è isé che ‘l sa fa éder come el véro piri de Pasqua che ‘l gá de iga töcc j-òs entréch. E dòpo tòt chel che ‘l ga soportat, tòt l’òdio e la vigliacheria, l’è mia restat sùl. Chei che ga crèt i ghe.

Sóta la crus ghéra Maria, sò Mama, la sorèla de sò Mama, Maria de Màgdala e ‘l sò disépol piö amàt. Rìa anche en siòr, Giuseppe d’Arimatèa che l’è bù de pasà dal bùs de ‘na ùcia, visto che Dio el ga nà dat la gràsia. Chesto ‘l sótra Gesù nela tòmba che ‘l ghéra preparat per lü e che l’éra amò nòa, en giardi: endòe vé sotràt Gesù, el camposanto el deènta giardi, el giardi da ‘ndòe ghe stat bötat fò Adamo quando el ghéra bandunàt la vita piö bèla, el sò Creatur. La tomba en giardi la ma dis che la mórt l’è dré a finì de comandà.

Rìa anche giò dela pública aministrasiù, Nicodémo, che el ghéra risiit da Gesù el mistéro dela rinascita, da acqua e Spirit. Quindi anche tra j-aministradùr, che i l’éra condanat, ghe argü che ga cret, che ga mia póra a riconóser Gesù dopo mórt. Sùra la gran mórt, sùra ‘l scür e la disperasiù, en gares mai pensat de püdi troà la lùce dela sperànsa. El Dio scundit, el rèsta ‘l Dio che vif, che l’è ché vizi. El Signur mórt el rèsta el Signur e nòst Salvadur anche nela nòt dela mórt. La Cièsa de Gesù Cristo, la sò famia nòa, la cumincia isé a furmas.

#### PREGHIAMO

Signur, ta sèt riàt nela nòt dela mórt. El tò còrp l’è stat tòt-sò da bùne mà e mitit en d’en lensöl bianch. La fede l’è mia mórt del tòt, el sùl l’è gnemò nat-zó del tòt. Quate ólte sòmèa che ta sàbet endormèt. L’è facil, per nòter òm, slontanàs e di:

Dio l'è mórt.

Dam öcc per vidit nel scür. Làsem mia sùì quàndo en s'è dré a nà fò dela tò strada. Àidem a mia lasat sùl. Dam 'na fedeltà che la resistes a la perdisiù e 'n amur che 'l ta dàghes 'na mà quando ta gà nèt piö de bizogn, come tò Mama, che la ta ciapàt tùrna en bras. Àida i poarècc, i siör, chei che gà mia malisia e chei che mèten móstra la sò sapiènsa. Àidem a éder de là dele póre e dei pregiödése e a ufrit chel che 'n s'è bù de fà, el nòst cör, el nòst tép, preparàndo el giardi 'ndó pödes vèsega la resuresiù.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Fac me vere tecum flere,

Crucifixo condolere, donec ego vixero.





## QUATTORDICESIMA STAZIONE GESÙ È DEPOSTO NEL SEPOLCRO

Adoramus te, Christe, et benedicimus tibi.

Quia per sanctam crucem tuam redemisti mundum.

### Dal Vangelo secondo Matteo (27, 59-61)

Giusepe, dòpo iga enciorciàt ‘l còrp de Gesù en d’en lensöl, el l’à mitit déter nela sò tómba nòia, che ‘l ghéra fat scaà nela ròcia; deanti al būs el ga fat birulà ‘na grant préda e pò l’è nat vià. Defò del sepolcro ghéra Maria de Màgdala e l’òtra Maria.

### MEDITAZIONE

Gesù, disunuràt e ufindit, l’è mitit, con töcc j-unür, en de ‘na tómba nòia. Nicodémo el pórtà ‘na mes-ciansina de mira e de àloe per mandà fò en profumo presiùs. Ades, nè l’oferta del Fiöl, ghe ‘n amur che sa pöl mia misurà, che fa ègner en ment l’amur generùs de Dio, la grant abondànsa del sò amur. Dio l’òfre sè stes. Se la misüra de Dio l’è isé grànda, chel che per nóter l’è póch el gares de éser tant, se müsürat da Dio. El ma l’à ‘nsegnat lü, nel discors dela montagna. Ma bizògna mia desmentegà le parole de San Pàolo sò Dio: “el ma dòpra per portà nel mond el profümo dela conosènsa de Cristo. Nóter en s’è ‘l profümo de Cristo”.

Lé dutrine lé marsés, la nòstra fède la garès de éser el profümo che la ma pórtà tùrna söle tràce dela vita. Nel momènt che ‘l vé mitit nela tómba, la cumincia a fas véra la paròla de Gesù:

En verità, en verità va dize: se ‘l grà de formét burlàt-zó en tèra el mör mia, el rèsta sul; se envéce ‘l mör, el dà tant fröt.

Gesù l’è ‘l grà che mör. Dal grà de formét che mör cumincia la multiplicasiù del pà che düra fina ala fi del mónt: lü l’è el pà che dà la vita, bù de tòga la fam a tòta l’umanità, de dàga de mangià: el Verbo eterno de Dio, che l’è deentàt carne e anche pà, per nóter, pasando dala crus e la resuresiù. Sùra la tómba de Gesù brila ‘l mistero de l’Eucarestia.

### PREGHIAMO

Signur Gesù Cristo, nel tirat-zó dala crus ta ghét fat tò la mórt del grà de formét, ta sèt deentàt el grà de formét mórt che fa fröcc per tòt el tép, fina a l’eternità. Dala tò tómba risplènt per sèmpar la promèsa del grà de formét, che dà la véra màna, el pà dela vita che pò ta sèt té. La Paròla eterna, a pasà da l’incarnasiù e la mórt, l’è deentàda la Paròla vizina: ta sa mètet nele nòstre mà e nei nòs-cc cör perchè la tò Paròla la crèses déter de nóter e la dàghe fröcc. Ta sa dünet cóme ‘l grà mórt, per fam vègner el coràgio de

pèrder la nòstra vita per troàla; per fam créder nela promèsa del grà de formét.

Àidem a üliga sèmpèr piö bé al mistero de l'Eucarestia e a vèneral – a viver perchè 'n ga mangiat té, Pà del ciél. Àidem a deentà 'l tò "profumo", a troà le tràce dela tò vita, en stó mónt. Come 'l grà 'l böta e 'l dà la spìga, pò a' té ta püdiet mia restà sotràt: la tómba l'è öda perchè lü – el tò Bubà – el t' à mia bandunàt a l' inferno, e gnànche la tò càrne la ga sübit curusiù. Nò, ta ghét mia cunisit curusiù. Ta sét risüsitat e ta ghét dat spasio ala carne trasfurmàda nel cör de Dio. Fà che 'n pödes éser contécc de chèsta sperànsa e 'n gäbes de portàla nel mónt, fà che en deèntes testimóne dela tò resuresiù.

Amen.



Pater noster, qui es in caelis:

sanctificetur nomen tuum; adveniat regnum tuum; fiat voluntas tua, sicut in caelo, et in terra. Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Quando corpus morietur,

fac ut animae donetur, paradisi gloria. Amen.





Finito di stampare nel mese di Aprile 2006  
da Color Art, Rodengo Saiano



Fdp Editore, Via Trento 15, Marone (Brescia), tel 3395970167